

АҚПАРАТТЫҚ ХАБАРЛАМА

2017 жылғы «11» қыркүйек

АПК-Инвест БЖЗҚ алдындағы берешегін өтеп жатыр

2017 жылғы 6 қыркүйекте «АПК-Инвест» Корпорациясы» ЖШС эмитенті 4-5 шығарылымдағы облигациялары бойынша 10-шы кезең үшін купондық сыйақы төлеу бойынша «БЖЗҚ» АҚ алдындағы 249 млн. теңге көлеміндегі берешегін өтеді. Сондай-ақ, эмитент 2017 жылдың 20 шілдесінен 06 қыркүйегіне дейінгі аралықтағы кезең үшін 4-5 шығарылымдағы облигациялары бойынша 10-шы кезең үшін дер кезінде купондық сыйақыны төлемегені үшін 3,5 млн теңге көлемінде өсімпұлды өтеді.

Естеріңізге сала кетелік: 2017 жылғы 20 шілдеде «АПК-Инвест» Корпорациясы» ЖШС 4-ші және 5-ші шығарылымдағы облигациялары бойынша 10-шы кезең үшін купондық сыйақыны төлеу және атаулы құнының сомасын төлеу бойынша дефолтқа жол берген болатын. 2017 жылғы 25 тамызда «БЖЗҚ» АҚ «АПК-Инвест» Корпорациясы» ЖШС атына 4-ші және 5-ші шығарылымдағы облигациялар бойынша берешектерді өтеу талабымен сотқа дейінгі кінәрат-талап жолданды.

БЖЗҚ 2013 жылғы 22 тамызда «ГНПФ» ЖЗҚ» АҚ негізінде құрылды. БЖЗҚ құрылтайшысы және акционері – Қазақстан Республикасы Қаржы министрлігінің «Мемлекеттік мүлік және жекешелендіру комитеті» ММ арқылы Қазақстан Республикасының Үкіметі. БЖЗҚ зейнетақы активтерін сенімгерлікпен басқаруды Қазақстан Республикасының Ұлттық Банкі жүзеге асырады. 2016 жылғы 1 қаңтардан бастап зейнетақы активтерін басқару тиімділігін арттыру бойынша ұсыныстар жасау қызметі Қазақстан Республикасының Президенті басшылық ететін Ұлттық қорды басқару кеңесіне берілді.

Зейнетақы заңнамасына сәйкес БЖЗҚ міндетті зейнетақы жарналарын, міндетті кәсіптік зейнетақы жарналарын, ерікті зейнетақы жарналарын тартуды, зейнетақы төлемдерін, зейнетақы жинақтары мен төлемдерін жеке есепке алуды жүзеге асырады, салымшыға (алушыға) зейнетақы жинақтарының жай-күйі туралы ақпарат береді (толығырақ www.enpf.kz сайтында).

«БЖЗҚ» АҚ баспасөз орталығы
БАҚ үшін байланыстар: press@enpf.kz